

Bibel fa Kjinja
brinjt junt

Jesus de
Gooda
Liera



Jeschräwen von: Edward Hughes

Jemolt von: Byron Unger un Lazarus

Toom Pauss jestalt von: E. Frischbutter un Sarah S.

Äwasat von: Ed Zacharias

Hääjestalt von: Bible for Children
www.M1914.org

©2011 Bible for Children, Inc.

Jesazlich: Du doascht dise Jeschicht oppnämen ooda drekjen,
soo lang aus du dee nich vekjafst.





Jesus wia
een gooda Liera, de
basta. Väle Menschen horchten no
am. Jesus säd see sullen leeftolich,
jnädich un goot sennen. Aundre
wudden an veleicht steeten un
haussen; Gott wudd an halpen.






Jesus lieed an
väl. Hee säd wie
sullen de Welt
oppdachen,
soo aus een
Taulchlicht een
Hus oppdacht.
Soon kjlienet
Licht halpt
väl en eene
diestra Stow.



De Menschen to woone Jesus räd
jleewden aun trigj-tolen: "Een Uag fa
een Uag, un eene Tån fa eene Tån."

Oba Jesus lieed an
leewen, vejäwen
un leeftolich
sennen,
soogoa
to Fiend.





To Jesus siene Tiet jeewen eenje Menschen dän Schien daut see sea heilich wieren. Wan see Oame waut gauwen, leeten see een Trompeet blosen, soo daut aule daut sagen. Jesus säd, "Jeff em Jeheemen, Gott woat

die beloonen."



Jesus säd uk soont wäajen bäden. Eenje bäden
oppe Gaussen Akj soo daut aule daut hieren un
seenen sullen. See dochten nich aun Gott;
bloos aun waut aundre von an
denkjen wudden. Jesus säd
dee hauden de Menschen waut
väa-jemoakt, ooda
jeheichelt.



Jesus brukt foaken een Bilt vonne Natua wan hee
lieed. Hee säd, "Kraajt soo aus Gott de Väajel
äten jeft, soo sull wie nich duaren. Gott
woat ons toom äten jäwen."



"De Kjennich Salomo wia nich soo schmock
aunjetrocken aus eene Lelje," säd Jesus. "Wan
Gott de Plaanten oppe Stap soo kjeleden deit, woat
hee junt dan nich uk kjeleden?" Jesus lieed an daut
see sikj opp Gott veloten sullen
fa aules
waut an
fäld.



Jesus säd, "Wan wää sien Brooda
beschulcht, es daut aus wan eena wäm
een Spoon utem Uag well
nämen, wan eena
selfst een Stekj
Holt em Uag haft."
Eenje lachten,
doch see musten
nodenkjen waut
hee jemeent
haud.



Jesus säd Menschen sullen Gott
froagen toom an halpen. Wudd een
menschliche Voda een Kjint een Steen
jäwen wan dee no Broot fruach?

Nä! Dee wudd want goodet
jäwen. Gott jeft uk
goodet wan wäa
frajcht.




Jesus, de gooda Liera, woarnd jaaen
faulsche Liera. "Dee wiesen sikj en
Schops-kjleeda," sad Jesus, "oba von
bennen sent daut Wilw!" Hee sad
faulsche Liera wudd wie von aare
Doten kjanen.



En eene Jeschicht weess Jesus daut Menschen
dee Gott jehuarsom wieren, wieren soo aus
eena dee sien Hus opp
faustet Steen bud.
Uk en eenen grooten
Storm stunt
daut faust.



Oba een onvestendja Maun bud sien Hus opp Saunt.
Aus de Storm kjeem, bruak daut twei; daut haud
nich een fausten Grunt. Wäa Gott nich jehorcht,
säd Jesus, es soo aus dee Maun.



De Lied wundaden sikj äwa waut Jesus
säd. Soont hauden see nich ea jehieet.
Nu wisten see daut Gott sien Wuat
hieren es nich jenuach; wie motten
daut jehuarsom sennen.



Jesus de Gooda Liera

Eene Jeshicht von en daut Wuat Gottes,
de Bibel

finjt eena en

Matäus 5-7, Lukas 6

"Wan dien Wuat openboat woat,
jeft daut Licht." Psalm 119:130



Daut Enj



Dise Biblische Jeschicht sajcht ons von onsen wundascheenen
Gott, see ons jemoakt haft un ons well kjanenlieren.

Gott weet daut wie schlaichtet jedonen haben, waut hee Sind
nant. De Strof fa Sind es de Doot, oba Gott siene Leew fa ons es
soo groot, daut hee sienen eensjen Sän, Jesus, schekjt, daut hee
aum Kjriez stoawen sull un de Strof fa onse Sind nämen sull. Dan
stunt Jesus vom Doot opp, un fua no sien Tus em Himmell! Wan du
dän Gloowen aun Jesus hast, un am frajchst diene Sind to
vejäwen, dan deit hee daut! Hee kjemt dan un läft en die, un du
woascht opp emma met am läwen.

Wan du dit jleewen kaust, dan saj to Gott:
Leewa Jesus, ekj jleew daut du Gott best, un worscht een Mensch
toom fa onse Sind to stoawen, un daut du nu wada läfst. Komm en
mien Läwen un vejeff mie miene Sinden, soo daut ekj nu nieet
Läwen haben kaun, un noch emol opp emma no die kom. Halp mie
daut ekj die jehuarsom sie, un fa die läw aus dien Kjint. Amen.

Lass de Bibel un räd jieda Dach met Gott! Joh. 3:16

